

681.3105  
004  
10  
第五冊

卷十四

人物志六  
列女下  
賢孝

卷十五上

藝文志一  
奏疏  
賦詩  
書

尉氏縣志卷十四

列女下

節孝

元

王氏任建妻太康人女年二十適建建仰弋林中矢墜面

死王甫年二十三一子在襁父母以早寡爲言王曰任

氏有後豈忍負之誓不改適歷四十餘年終至元丙子

姻弟邊公佐聞朝表宅名其里曰大任村

見河南總志

明

靳氏邑民張汝現妻于歸六年汝現死兄汝衡嫂王氏圖

產謀嫁於同庄人胡遐一日三人闖入其室氏正裁袞

衣恐見逼手持剪刀自刺喉下血流滿地死半日方甦

拋產歸母家以紡績自勤苦致有餘貲改葬其夫與舅  
姑墓歲凶仍賙汝衡子貧而缺嗣誰爲申請縣送一扁

詳紀斬司空傳

舊志

沈氏已故生員王化溥妻溥早逝止生二女誓殉地下緣

公姑年老無別子氏紡績供養各九十餘終殯葬如禮

舊志

陸氏段莊保白雷妻年二十一雷卒守節至八十兩院三

獎貞節

舊志

金氏戎成妻年二十歲夫亡矢志堅守年百歲有奇強健

精明語景泰成化宏治年間事如昨日人咸稱爲節壽

雙輝

見衛志

劉氏張仲善妻年二十一歲仲善歿事祖姑馬氏馬難其有終遣歸適人劉矢志勵節撫子秀成立嘉靖十九年

縣令韓志仁旌其門

舊志

張氏方深妻年二十一歲深卒貧無所依以舂汲度活撫

孤子方綱成立年七十餘歲

舊志

梅氏黃佐妻佐少歿氏守志閱兩月生遺腹子宦侍姑邵

氏以孝聞

舊志

邢氏楊景春妻春故育子及孫耕讀立業卒年八十六歲

知縣韓志仁旌以貞節

舊志

馬氏童生劉格妻生員馬翰如女格少亡遺兩男俱幼家

身日... 卷一... 列女下... 二...  
貧繼姑不容翰如迎婦養育長子燦然遊泮守節六十

餘年奉旨旌表

舊志

宋氏百堽保民任一清妻氏年二十二歲清故孝姑錢氏

撫子任倫克庠生知縣蘇述具申崇禎九年按院劉令

譽題請奉旨旌表知縣曹良直助建坊銀二十兩

舊志

南氏故民王邦立妻事姑至孝年二十六歲邦立故遺四

子家甚貧紡績撫孤年八十六歲終本縣申表

舊志

陳氏故民張杭妻杭曾割股愈母病中道亡氏年二十七

歲遺子四人氏孝姑撫子生員王邦楨具呈申院匾獎

並獎杭孝行

舊志

傅氏已故童生劉愛妻苦志守節事孀姑甚孝撫孤劉呈

祥列庠生

舊志

王氏童生馬雲程妻于歸二年而程病故一子在抱公姑

憐其少欲嫁之王以棄兒爲不慈背夫爲不義誓守歷

四十餘年終

舊志

張氏生員石琚妻琚故遺二子尙少氏課以耕讀次子如

璜中丁卯經魁懇邑侯賀申請奉旨建坊

舊志

邢氏靳知遠妻

舊志

樊氏靳善教妻

舊志

國朝順治

馬氏增廣生員馬中驥女年十六適儒士王宇靜靜病瘖

歷五年而歿子女俱無姑李迫之嫁懇的親勸姑立三

兄王惺心次子爲嗣三年宇靜忌日姑詈不容氏痛哭將產併嗣姪王之屏交於姑不攜寸絲歸依母居母適病痿卧牀奉侍者六年明末兵亂早從胞兄馬義則避入密山紡績自給飢寒頻死志操愈勵苦節篤孝與有子女者不同公舉到縣申獎待題順治十五年年六十七歲蒙巡撫河南監察御史李行文到縣匾以貞節給谷四石旋蒙具題云該臣察得尉氏縣節婦馬氏遭家多難遇亂方殷始棄產以慰不慈之心繼入山而續未亡之命孝姑事母一生大節昭然去姪依兄半世奇窮可憫例應題表以顯芳跡奉

旨建坊旌表

舊志

崔氏童生高君聘妻君聘父故廬墓二年病故墳中崔氏  
上事垂老之姑終養禮葬下撫幼稚之子高萃明讀書  
望進娶婦楊氏生孫性之方襁抱萃明復蚤殤崔偕婦

楊茹苦耕績撫育性之成生員

舊志

周氏故民劉文星妻夫故時年二十歲公姑俱老兩男尙  
幼茹荼紡績以供俯仰親終葬以成禮育長子劉維精  
與兩孫俱成生員方寇破城已就縊遇登封人常某解  
救於順治四年公舉申上十五年蒙巡按河南監察御  
史李行文到縣區以貞節給谷一石旋蒙具題云該臣  
看得尉氏縣節婦周氏四載夫妻七旬姑舅蓬首泣血  
念孤子之誰依送死事生完丈夫之身後宜表揚之特



錫示苦節之可貞奉

旨建坊旌表

舊志

常氏年十六適生員張奇蘊蘊幼生遺腹子復昌矢志靡

他事姑惟謹

舊志

劉氏張懷學妻懷學早沒氏紡績給舅姑養殮撫孤成立

冰心筠節內外無間言

舊志

劉氏許泰迓妻夫死節氏苦志撫子數十年

胡氏許鎔妻夫亡守志事姑以孝聞撫夫弟有成立

谷氏李正芬妻夫死於賊苦節四十餘年

康熙

宋氏童生西鐸妻年二十一歲夫亡守志勵節六十餘年

以上李繼曾採訪

石氏周喬梓妻二十五歲夫亡守志襄姑孝事祖在魯立

子以祀

姜玉書採訪

孫氏姜載妻年十八適載五年而載亡子穉族人以謀

產爲難欲奪其志氏茹藥不易其操卒能教子殿颺成

立以良醫名

李繼曾採訪

張氏生員李烱妻年二十八歲而烱亡誓不欲生姑泣勸

之曰吾子死命也數也汝死非命也非數也獨不念吾

老乎汝能節兼能孝卽光李門吾無子有子矣勉從姑

言以孝著苦志五十餘年

李繼曾採訪

邢氏靳寧遠妻勵苦節以孝聞

何氏黃銛妻年二十七歲夫亡家貧姑老子德溥幼氏矢

志守貞德溥妻盧氏二十七歲而寡與姑何氏共勵霜

節姑患瘡數年盧氏年已六旬凡洗滌敷治不假孫婦

手並重其孝

趙秉乾採訪

王氏廩生靳埭妻浙江學使讓之子婦埭少亡氏苦節數

十年

已入旌典靳爾豫採訪

王氏吳士英妻夫少亡撫子大有娶劉氏生一子大有復

亡撫孤孫姑婦俱以節著

張氏廩生王延祚妻二十四歲夫亡守節三十年

王文升採訪

王氏廩生白其妻二十二歲夫亡守貞教子勵節七十

餘年子欽若以生員入監考授縣丞

呂氏谷耀泰妻二十二歲夫亡矢志守貞養老撫幼備歷艱苦善持家家漸裕勵節六十餘年

谷氏李永泰妻二十三歲夫亡姑老子幼矢志守貞五十餘年 以上谷歲豐採訪

李氏張端翹妻十八歲適端翹七年而寡苦節五十餘年  
張氏張端翹妻年二十五歲端翹沒無子嗣族子泗亦少  
亡妻閔氏二十七歲而寡姑婦共勵節操鄉里稱之

陳氏舉人張端翹妻年十八歸端翹端翹赴春官道卒子  
湛僅四歲翁姑居別業氏迎歸孝親慈子勵節五十餘  
年邑令給匾以旌 以上張敬直採訪

腰氏楊 失名 妻廩生楊魁宇之祖母二十三歲夫亡守志

撫子娶婦趙氏四年而子亦沒魁字甫週歲氏方痛夫  
痛子而翁姑又繼沒氏率孀媳教孫成立邑名宿王永  
昌爲著萱花吟曰阿母猶芳年良人卽蚤逝紡織撫厥  
子勤儉保家計無何厥子夭幸產蘭孫奇與婦誓柏舟  
金石可共矢孫播夷山名蓬水誰與齊辛苦百倍嘗祇  
爲開後裔歷撫子而子喬梓有成立行看孫又孫榮封  
旌宅里聊賦萱花吟爲母祝遐歲萱花永不極清操可  
並麗是其節以勵節孝以教孝於此蓋可想見矣

姜玉書採

訪

馬氏 趙氏 王氏 馬氏 朱兆恒妻年二十兆恒卒嗣子

達善基善達善又少亡婦趙氏年十八守志以姑氏哭

子成瞽病卧八年慤勤孝侍寒暑無怠色兆恒姪好善亦少亡妻王氏年十九矢志偕馬趙共居一室代趙分勞時人紀之以詩有孤燈共守三更泪白首相看一樣心之句蓋寶錄也馬氏卒年八十勵節六十年趙氏卒年八十五勵節六十七年王氏卒年七十八勵節五十九年

王氏杜法德妻年二十五歲夫亡守貞六十六年見元孫壽九十一歲

以上楊式莖採訪

王氏張冠吾妻夫早卒撫四歲孤繼又哭子備陞險巖苦

貞數十年

張敬直採訪

周氏楊有成妻二十一歲夫亡養老撫幼苦節六十餘年

房氏集元  
已旌

王允寬採訪

靳氏張崑璽妻夫少亡以節孝著

楊氏張崑璧妻夫死於汴苦節歷數十年

以上張敬直採訪

王氏三節女皆青州同知贈太常卿東岱公女一適邑庠

白賚傳載貞烈一適鄆陵任武鄉縣令梁之鯤節孝載

鄆陵志一適涑川范惟潤節孝載涑川志

王文升採訪

梁氏太常卿王曰溫側室太常沒氏二十餘歲矢志守貞

四十餘年鄆陵王叔獻著弔梁節婦詩

楊式堃採訪

雍正

唐氏生員南映陽妻年二十歲夫亡守貞孝事翁姑子楚

英妻高氏年十九歲夫亡孫佑啓妻盧氏年二十歲夫

亡曾孫色朱妻王氏年二十五歲夫亡勵節俱數十年  
賢孝一如唐氏王氏無所出取嗣立繼爲其曾祖姑以  
下三世請旌而氏以年例朱符待旌邑人姜玉書著

四節傳文載藝文志

姜玉書採訪

盧氏童生靳剛妻浙江學院讓之孫婦賢孝著稱深明大

義剛少亡氏苦節數十年已請

旌

靳爾豫採訪

賀氏申本德妻年二十三歲夫亡矢志勵節孝翁姑姑多  
病且老夫弟幼弱氏代姑撫之成立娶妻生子爲夫立

嗣勵節六十餘年

李繼曾採訪

張氏張松齡妻年二十三歲夫亡守貞勵節五十餘年

張敬

直採訪



唐氏童生剛正妻年二十二歲夫亡守志孝事翁姑家貧

紡績以供餽粥翁姑沒喪葬如禮勵節五十餘年

姜玉書採

訪

李氏賈三桂妻年十七歲夫亡守貞子應仕能以孝養氏  
年九十歲應仕依依孺慕有老萊風鄉里重之

姜

玉書採訪

魏氏蔡福元妻年二十七歲夫亡守貞撫子成立孫居敬

五歲卽口授以四子書弱冠名列膠庠勵節四十餘年

楊式壑採訪

王氏高隆義妻年二十五歲夫沒矢志守貞孝事祖翁姑

處衆寬和家本巨族未嘗少有矜嚴之色數十年如一